

դէպքից վշտացած եպիսկոպոսներին խորհրդի կանչեց և գործի հանգամանքները քննելուց յետոյ, որոշեց Պետերբուրգ ուղարկել Դաւիթ վարդապետին մի օրհնութեան կոնդակով, ուր խընդրում էր. «1) որ ս. Գրիգորի՝ Հայաստանի Լուսաւորչի դաւանութեան հետևող ուստիարձակ հայերը, ինչպէս մինչև այժմ նոյնպէս և ապագային ս. Էջմիածնի Մայր Աթոռի իրաւասութեան և իշխանութեան ներքոյ մնան հոգևոր և եկեղեցու վարչական գործերում. 2) որ նրանց վրայ կարգուող եպիսկոպոսն այդ Աթոռի կողմից ընտրուի, իսկ Հայրաստանն անյայտ և ուրիշ երկիրներից եկաւոր ինքնակոչ հովիւների մուտքն արգելուի. 3) և նրան մի Բարձրագոյն հրովարտակ շնորհուի, որը այն տեղի տաճարում մնայ ի նշան մշտական ողորմածութեան և ի յիշատակ բարեյաջող թագաւորութեան»: Այս կոնդակը գրուած է 1 օգոստոսի 1766 ամի: Կոնդակի հետ ընծայ ուղարկուեցան կայսրուհուն և թագածառանգին Յովհաննէս Մկրտչի, Հռիփսիմէ կուսի, ս. Գէորդի մասունքն և Նոյեան տապաւնի մի մասը:

Մինեոյն ժամանակ Սիմէոն կաթողիկոսը կոնդակներ վըրեց Աժդարխանի ուսուսց Մէֆօղիյ եպիսկոպոսին և Պետերբուրգում ու Մոսկվայում բնակուող հայերից մի քանիսին խնդրելով, որ Դաւիթ վարդապետի առաքելութեան յաջողուելուն նպաստեն:

Մայր Աթոռի գեսպանութիւնը բարեսէր ընդունելութիւն գտաւ Պետերբուրգի դրան կողմից: Կայսրուհու հրամանով արտաքին գործոց Յանձնաժողովը յօրինեց մի հրովարտակ յանուն կաթողիկոսի և յանձնեց Դաւիթ վարդապետին՝ Նորին Սրբութեան հասցնելու համար:

Այդ հրովարտակում, որ գրուած է 30 յուլիսի 1768 թ., կարդում ենք, թէ «Ըստ օրինակի նախնեաց» Մեզ ևս հաճելի է Մեր կայսերական գթութիւնն ու մարդասիրութիւնն ընծայել թէ արդի գերագնիւ Սիմէոն կաթողիկոսին և թէ նրա հայրապետական աթոռի ապագայ յաջորդներին, ինչպէս և իւրբաշիններին ու կառավարիչներին և բովանդակ ազնուաբարւոյ Հայ ազգին: Հաճելի է մեզ նաև թոյլատրել յիշեալ Սիմէոն կաթողիկոսին և նրա յաջորդներին, որ նրանք հոգևոր գործերի և եկեղեցական ծէսերի նկատմամբ՝ իրենց իրաւասութեան ներքոյ պահեն Ռուսաց Կայսրութեան մէջ բնակուող հայազգի ու հայադաւան մարդկանց... այս պատճառով՝ երբ որ դրանք պա-